

بأني رغد بكل صراحة بعد ماكو لف و دوران و تلميح او اي شي اني حبيتج و اهتميت بيج اهتمام اني ممنطي بحياتي لانسان اهتميت بكل تفصيلة بيج و بحياتج و بكل كلامج و سوافج و هذا الشي جان مبين و انتي تعرفين. جنت اعيشج وياية بكل تفاصيل حياتي جنت دائما احاول اقريج الية بس انتي مجنتي تريدين و دائما جنتي تحاولين تباعدين اكثر، جنت اريدج تكونين على علم بكلشي اني اسوي حتى من جان بينة ستريك اني جنت اصور من اطلع علمود انتي تعرفين ممكن هاي مو مهمة عندج بس اني مهمة عندي انو البنية الي احببة تعرف كل تفاصيل حياتي و تكون وياية بكل خطوة بحياتي صغيرة او جبيرة. انتي جنتي اول انسان اني اصبح عليه من اكعد من النوم و اخر انسان احجي ويا قبل لا انام و مرات انتي تكونين نائمة اني اكتبج احلام سعيدة و انام و مرات ميكون بينة حجي و اني اريد انام اجي اكلج تصبحين على خير يلا انام هاي اشياء ممكن تكون تافهة او مو مهمة بالنسبة ألج بس كلشش مهمة عندي. جانت فترة جميلة بحياتي و طلعانة جانت احلى و كلشش جنت استمتع بوقتي وياج و مجنت اريدهة تخلص بس خلصت و راحت و بقت ذكرى ما اتوقع هاي الذكرى مهمة عندج بس اني مهمة عندي اني قدمت كلشي اكر اقدمة و لو جنت اكر اقدم اكثر مجان قصرت وياج و لو يرجع بية الزمن اسوي نفس الشي و الحمد لله اني مو من النوع الي يستغل بنية او يغلط وياها ولامرة حسستج بعدم الارتياح او ضوجتج بشي من تكونين وياية. اني حاولت ابتعد و حاولت ادوس على نفسي بس ماكرت و من شفتج جاي تحاولين وياية كلت هية مادام متمسكة اني هم راح ارجع اتمسك بيهة بكل قوتي بس الظاهر اني متريدين هيج و هذا من حقج و هاي حياتج و انتي الي تختارين منو يكون بيهة و منو لا. اني غلطت بتقدير و الصراحة ضجت لمن شفت الانسان الي اني واكف ويا و حاولت بكلشي علمودة يستغني عني بكل سهولة ولا عبالك يعرفني، الانسان اهم شي عندة كرامته و نفسه و الصراحة اني بفترة فضلج على نفسي بس من شفتج استغني عن هذا الشي كلت اني هم راح استغني و اكمل الطريق الي ردتج تكونين رفيقتي بي لازم اكلمة بدونج. كلشش مجنت اريد هيج ننهي او بالأصح اني مجنت اريد ننهي اصلا بس هاهية الحمد لله على كل حال الخيرة في ما اختارها الله و دائما الي الله كاتبلنيا احسن من الي احنة نريده. احنة بعد منرهم اصدقاء و مستحيلة بعد لان راح ينعاد كلشي و مراح يتغير شي اول اسبوع انتي تحجين و تسولفين طبعي بعدين يبدي الاهمال و يقل الاهتمام بالتدريج الي ان ينتهي، كلشش مو سهلة لمن تودع الشخص الي تحبة متوقعين شكك صعبة من تودعين شخص جنتي متعرفي بعدين عرفتي و وصلتي مرحلة متريدين غيره، جنت أريد أبقة وياج لأخر دقيقة بحياتي بس مو دائما كلشي نريده نحصله. انتي مو اخر بنية بحياتي ولا اني اخر ولد بحياتج هية هاي الحياة نتعرف على اشخاص و نعوف اشخاص مرات بأرادتة نعوفهم و مرات احنة منريد نعوفهم بس لازم. اشكرج على الوقت الحلو الي جان وياج و اشكرج على كل مرة كدرتي ترسمين ابتسامة على وجهي اشكرج على كل اللحظات الحلوة الي مشت كلشش بسرعة وياج في وقت من الاوقات انتي جنتي سبب سعادت. ماتوقع راح انسي تاريخ عيد ميلادج ولا راح انسي اول مرة شفتج و اول مرة لزمتم ايدج، اول مرة ضحكت وياج لو اول اغنية سمعناها سوة الكهوه الشربناها سوة لو وين كعدنة هاي كلهة مراح انساهها راح تبقى ذكرى جميلة و ايام حلوة بحياتي رغم كلشي. مراح انسي اهتمامج لمن اتمرضت كلش اشكرج عليه ممكن بالنسبة الج مجان ذاك الشي بس اني كلش فرق وياية و جان حافز جبير بأنو اخذ الدوة و اسوي العملية جان ألج تأثير على قراراتي بوكته لان اني جنت مقرر ما اخذ دوة ولا اسوي عملية و اعوف كلشي وهية تلاص بس اكو شي بداخلي فضل كلامج على كلامي. بالأول و الاخير انتي طبييتلي لسبب او علمود فدشي معين ما اعرف اذا حصلتي او لا اذا حصلتي عاشت ايدج و انتي سويتي الي تريدي و اذا ماحصلتي جنتي تكدرين تطلبين مني بكل بساطة. بالنهاية ماكو شي يدوم للأبد راح تنمسخين من ذاكرتي تدريجيا و ممكن لا و ممكن راح يجي الشخص الي يملي الفراغ الي جنتي مالمية و تستمر الحياة. اني جنت نقطة بحياتي بس انتي جنتي اوراق بحياتي، النقطة تنمسخ و مرات اصلا متنشاف بس الاوراق مهما مشة عليها الوقت و تتعقج و تتكطع تبقة محافظة على الي مكتوب بيهة و انتي الي جنتي مكتوبة بأوراق. طبعا عاشت ايدج استخدمتي وياية انكس اسلوب حتى نتهين كلشي حطيتيني بموقف لا اكر اسأل ليش ولا اكر افتهم شكو ولا اكر اعاتبج، كلشي ماكر اسوي لازم اشوفج تروحين و اني اضل ساكت و اباع و مايبدي شي اسوي. اتمنالج كل الخير و الموفقية بحياتج و ان شاء الله يبعد عنج كل مكروه و يحفظج بكل خطوة بحياتج اتمنالج السعادة بكل قرار تاخذي و التوفيق الدائم